

# Meahciráđđehusa Luonddubálvalusaid várren- ja láigostobuid, várrengámmiid, sávnniid, várrendolla- ja tealtásajiid, gohttenguovlluid ja earáid sajiid várreneavttut

Fámus 03.05.2021 rájes.

## 1. Heiveheapmi

Dáid várreneavttuid heivehit áššehasa ((láigolažžan) ja Meahciráđđehusa (láigoaddin ja bálvalusfállin) gaskasaš soahpamušgaskavuhtii láigočuožáhaga (várren- ja láigostobut, várrengámmet, sávnnit, várrentealtásajit, gohttenguovllut ja eará sajít) várremis ja geavaheamis. Várren- ja láigostobuid ja várrengámmiid várremiid geahččat ovttá várremiin, vaikko dat guoskkašii eará stobuin/čuožáhagain dáhpáhuvvan idjademiid. Várreneavttut bohtet fápmui dalánaga várrema dahkanmuttus ja daid heivehit áššehasa ja Meahciráđđehusa gaskasaš soahpamušgaskavuhtii.

## 2. Dohkkeheapmi

Dahkamin várrema áššehas dáhkida ahte lea oahpásmuvvan dáidda várreneavttuide ja dohkkeha dáid várreneavttuid.

## 3. Várren

Várrema sáhtttá dahkat Meahciráđđehusa áššehasbálvalančuoggás, telefovvna bokte, šleađgapoasttain dahje internet-várremiin Eräluvát-neahttagávppis. Áššehas galgá leat dievas agis. Áššehasa dahkan várren lea čadni.

## 4. Máksu ja máksineavttut

Oppa várrema galgá máksit hávil. Juos várren dahkkojuvvo árabut go 30 jándora ovdal várrenáiggi álgima, rehkega máksinmearrebeaivi lea 30 jándora ovdal várrenáiggi álgima. Juos várren álgá 30 jándora siste várrenbeaivvis, várrema galgá máksit dalánaga. Várrenmávssu galgá máksit rehkegii merkejuvvon máksinmearrebeaivvi rádjái. Rehkega mielde áššehas oažžu dieđu čoavdagis ja earáid dárbbaslaš dieđuid. Hattit sisttisdollet goasge fámus lean árvvulassevearu. Doalahit vuoigatvuoda hatiid nuppástusaide.

## 5. Nuppástusat

### Nuppástusat ovdal máksinmearrebeaivvi dahje máksinmearrebeaivve

Nuppástus mávssetkeahtes dingojupmái dahkkojuvvo vuosttamužžan Eräluvat-neahttagávppis iešbálvalussan. Ovdal mávssu máksinmearrebeaivvi (30 jándora) dahje máksinmearrebeaivve oažžu seamma kaleandarjagi áigge sirdit mávssetkeahtes dingojumi oažžuma mielde nuppi áigemuddui lassegoluid haga iešbálvalussan neahttagávppis. Máksojuvvon dingojupmái ii sáhte dahkat nuppástusaid iešbálvalussan Eräluvat-neahttagávppis, muhto dat gáibida oktavuoda váldima Meahciráđđehusa áššehasbálvalussii ringemin dahje šleađgapoastta bokte.

Nuppástusa dingojupmái sáhtá dahkat maiddái šleađgapoastta bokte dahje ringemin Meahciráđđehusa áššehasbálvalussii rabasáiggiin. Juos álgoálgosaš dingojumi nuppástuhtto ovdal máksinmearrebeaivvi (30 jándora) dahje máksinmearrebeaivve šleađgapoasttain dahje ringemin áššehasbálvalussii, Meahciráđđehus bearrá dás doaimmahatgollun 13 €/nuppástusgeardi (sis. álv.). Jos dingojupmi lea juo máksojuvvon ja nuppástus geahpeda máksojuvvon loahppasupmi áššehassii máhcahuvvo badjel mannan supmi, mas leat geahpeduvvon doaimmahatgolut (13 €, sis. álv.) ruhtamáhcaheamit eai dahkkojuvvo.

Juos nuppástus lasiha máksojuvvon loahppasupmi, gieđahallo dát ođđa dingojupmin, mas eai berrejuvvo doaimmahatgolut.

Geahččat šleađgapoasttain dahkkojuvvon nuppástusa boahtán dalle, go dat lea Meahciráđđehusa geavahas áššehasbálvalusa rabasáiggiin vuostáiváldinapparáhtas dahje diehtovuogádagas nu, ahte dieđáhusa sáhtá gieđahallat. Jos elektrovnnalaš dieđáhus lea boahtán Meahciráđđehusa áššehasbálvalussii rabasáiggi manjá, geahččat nuppástusa dáhpáhuvvan čuovvovaš árgabeaivve.

### Nuppástusat máksinmearrebeaivvi manjá

Máksinmearrebeaivvi manjá dahkkojuvvon nuppástusaid doallat árat dingojumi šluhttemin ja ođđa dingojupmin.

## 6. Šluhttemat

Dingojupmi ii šluhttejuvvo automáhtalaččat jos áššehas guođđa rehkega mávssetkeahtá, muhto áššehas galgá álo šluhttet dingojumi, man son ii áiggo geavahit. Juos rehket ii leat máksojuvvon máksinmearrebeaivve rádjái máksinávžžuhusain fuolatkeahtá, dingojupmi sirdašuvvá bearramii.

### Šluhttemat ovdal máksinmearrebeaivvi dahje máksinmearrebeaivve

Šluhttemat mávssetkeahtes dingojumiide dáhkkojuvvojit vuosttamužžan Eräluvat-neahttagávppis iešbálvalussan. Ovdal mávssu máksinmearrebeaivvi (30 jándora) dahje máksinmearrebeaivve oažžu dingojumi šluhttet laasegoluid haga iešbálvalusan Eräluvat-

neahttagávppis. Máksojuvvon dingojumi ii sáhte šluhttet iešbálvalussan Eräluvut-neahttagávppis.

Šluhttema dingojupmái sáhtá dahkat maiddái šleađgapoastta bokte dahje ringemin Meahciráđđehusa áššehasbálvalussii rabasáiggiin. Juos áššehas šluhtte dingojumi ovdal mávssu máksinmearrebeaivvi (30 jándora) dahje máksinmearrebeaivve, áššehasas lea vuoigatvuohta oazžut ruovttoluotta su máksán dingojumi mas leat geahpeduvvon doaimmahatgolut (13 €, sis. álv.).

Šluhttema geahččat boahtán fápmui dan muttus, goas diehtu šluhttemis lea boahtán Meahciráđđehussii. Šleađgapoasttain dáhpáhuvván šluhttema geahččat boahtán dalle, go dat lea Meahciráđđehusa geavahasas áššehasbálvalusčuoggá rabasáigge vuostáiváldinapparáhtas dahje diehtovuogádagas nu, ahte dieđáhusa sáhtá giedahallat. Jos elektrovnnalaš dieđáhus lea boahtán Meahciráđđehusa áššehasbálvalussii rabasáiggi maŋŋá, geahččat šluhttema boahtán čuovvovaš rabasbeaivve.

### **Šluhttemat máksinmearrebeaivvi maŋŋá**

Šluhttema dingojupmái sáhtá dahkat šleađgapoastta bokte dahje ringemin Meahciráđđehusa áššehasbálvalussii rabasáiggiin. Juos áššehas šluhtte dingojumi mávssu máksinmearrebeaivvi maŋŋá, máhcahuvvo áššehasa dahkan mávssu dušše birgetmeahttun eastaga (force majeure) -dáhpáhusain (áššehasa dahje su lagaš oapmahačča fáhkkes buohcuvuođa, lihkohisvuođa dahje jápmima geažil). Buohcuvuođa ja lihkohisvuođa buohta Meahciráđđehussii galgá sáddet doavttirduođaštusa 14 jándora siste šluhttemis áššehasbálvalusa almmuhan čujuhussii. Force majeure -dáhpáhusain áššehassii máhcahuvvo su máksán dingojupmi ollislaččat mas leat geahpeduvvon doaimmahatgolut (13€, sis. álv.). Vuolles 20 € (sis. álv.) ruhtamáhcaheamit eai dahkkojuvvo.

Juos ovdalis máinnašuvvon sivaiddihtii šluhtten dáhpáhuvvá várrenáigge, dingonmáksu ii máksojuvvo ruovttoluotta.

## **7. Meahciráđđehusa vuoigatvuohta šluhtte várrema**

Juos gažaldagas lea birgetmeahttun eastta (force majeure), sáhtá Meahciráđđehus šluhttet dingojumi. Dalle áššehas oazžu su máksán várrenmávssu ruovttoluotta ollásit. Eretbiddjon várrensoahpamušas áššehassii vejolaččat boahtán eará goluid eai goittotge buhttejuvvo. Meahciráđđehusas lea vuoigatvuohta šluhttet várrema, juso áššehas ii leat máksán várrenmávssustis máksinmearrebeaivvi rádjái. Áššehas gárta goittotge máksit várrenrehkegisttis ollásit.

Meahciráđđehus doalaha vuoigatvuođa šluhttet áššehasa várrema, jos gažaldatvuloš áššehas ii leat árat várremiin čuvvon láigočuozáhagain orrumis addojuvvon rávvagiid dahje jos gažaldatvuloš áššehas lea muđui doaibman láigočuozáhagaid geavaheami guoskevaš soahpamuša vuostá.

## 8. Čoavdagat

Áššehas viežžá čoavdaga máksoduodaštusa vuostá čoavdagiid viežžanbáikkis. Áššehas máhcaha su várren stobu dahje eará láigočuožáhaga čoavdaga gaskaheamet várrema nogadettiin, meahccečuožáhagain mañimustá vahkku geažes várrema nohkamis, su ožžon rávvagiid mielde. Juos ii čoavdaga máhcat das berrejuvvo čuođi (100) euro (sis. álv.) máksu. Čoavdaga sáddemis várrema oktavuodas berrejuvvo vihtta (5) euro (sis. álv.). Čoavdaga sáddemis mañálgihitii berrejuvvo logi (10) euro (sis. álv.). Čoavdda sáddejuvvo dušše Suoma čujhusaide.

## 9. Orrun láigočuožáhagas

Áššehasas lea várrenáigge geavahanvuoigatvuohta su várren stobu dahje sávnni biergasiidda ja várrema čuovvu searngasajiide dahje geavahanvuoigatvuohta su várren eará sadjái. Áššehasas galget leat fárus máksoduodaštus ja stohpovárrengievrudus, mainna son sáhttá čujuhit várrema ja dan máksima. Áššehas galgá ráhkkanit čájehit várrengievrudusa ja máksoduodaštusa Meahciráđđehusa bargovehkii dahke bearráigeahččanvirgeoapmahažžii.

Stobuin galgá vuhtiiváldit earáid stobu geavaheddjiid ja dáhkidit buohkaide oadđinráfi diibmu 23 - 06. Áššehas vástida iežas bealistis stobu ja dan šillju buhtisvuođas. Duhpáhastin ja hehttejeaddji alkohola geavaheapmi láigočuožáhagain leat gildojuvvon. Biebmoelliin leat njuolggadusat láigočuožáhagaid guovdu.

## 10. Meahcástus ja guolástuslobit

Várren- ja láigostobu dahje eará saji láigoheapmi ii vel dáhkit meahcástus- dahje guolástusvuoigatvuođa (lobi) láigočuožáhahkii dahje dan lagašvuođas vejolaččat lean Meahciráđđehusa meahcástan- dahje guolástuslohpeguivui. Meahciráđđehusa guovlluide dárbbášlaš meahcástan- ja/dahje guolástuslobiid galgá ÁLO háhkat sierra omd. Eräluvat-neahttagávppi bokte.

## 11. Vahágiid buhtadusat

Áššehas lea geatnegas buhttet Meahciráđđehussii vahága, man son lea dagahan stohpui dahje sadjái. dan biergasiidda dahje stobu šillju ja vahága, mii bohtá Meahciráđđehussii eará vánddardeaddji gillán vahágis dahje bálvalusa geavaheami eastašuvvamis.

## 12. Fuomášuhttimat ja váidalusat

Vejolaš fuomášuhttimiid ja váidalusaid galgá álo dahkat ájahalakeahtta njuolga Meahciráđđehussii. Juos dát ii leat vejolaš dahje áššái ii oaččo duhtadahtti čovdosa dahje das laktása buhtadusgáibáduš, galgá váidalusa sáddet mánotbaji geažes várrema nohkamis čálalaččat čujhussii: Metsähallitus, Asiakaspalaute, PL 94, 01301 Vantaa. Meahciráđđehus várre máhcahagaid giedáhallamii mánotbaji giedáhallanáiggi.

### **13. Sierramielalašvuodát ja daid čoavdin**

Figgat čoavdit soahpamuša guoskevaš sierramielalašvuodaid oassebeliid gaskasaš ráđđádallamiin. Jos áššehas ja Meahciráđđehus eaba áddehala, sáhhtá áššehas leat oktavuodas golaheaddjirávemii ([www.kuluttajaneuvonta.fi](http://www.kuluttajaneuvonta.fi)). Áššehas sáhhtá háliidettiin doalvut nákku geavaheaddjiváidinvdegotti gieđahallamii. Manjimužžan soahpamuššii čuohcci sierramielalašvuodát čovdojuvvojit Nuorta-Uusimaa gearretrievttis.

### **14. Earát fuomášan veara áššit**

Stobuide lea neahttasiidduin dahje muđui almmuhuvvon dihto idjadankapasitehta dahje seangabáikkiid mearri, man badjel ii oaččo mannat. Meahciráđđehus ii leat geatnegas buhttet luonddudiliin, dego divrriin, buovnnjahiin, sáhpániin dahje vuordemeahttun dálkemolsašuddamiin áššehassii vejolaččat boahtán hehttehusa dahje goluid.

Meahciráđđehus  
PL 94 (Ratatie 11)  
FI-01301 Vantaa, Suomi Finland  
Tel. 0206 39 4000  
[www.metsa.fi](http://www.metsa.fi)  
Y-tunnus / Business ID: 0116726-7